

NOTIS

Pindaan Terma-terma dan Syarat-syarat Am untuk Produk-produk Deposit

Kuwait Finance House (Malaysia) Bhd (“KFH Malaysia”) dengan ini memaklumkan kepada anda berkaitan perubahan kepada terma-terma dan syarat-syarat yang berkuat kuasa dari (dan termasuk) 28 April 2023 (“Tarikh Berkuat Kuasa”)

Ringkasan perubahan adalah seperti berikut:-

Klausa	Klausa yang Dipinda
1. Difinisi dan Terjemahan	Difinisi dan terjemahan di bawah ditambah 22.1 “Undang-undang Antirasuah” bermaksud Akta Suruhanjaya Pencegahan Rasuah Malaysia 2009 sebagaimana yang dipinda dari semasa ke semasa serta peraturan dan undang-undang yang dikeluarkan kemudiannya, dan mana-mana undang-undang, statut, peraturan, pengawalan dan perintah yang berkaitan dengan rasuah atau penyelewengan.
10. Akaun Amanah	Dipinda kepada: 10.2 Pemegang Amanah hendaklah mengemukakan maklumat seperti berikut berkaitan pembukaan akaun amanah serta apabila diminta oleh KFH Malaysia dari semasa ke semasa apabila diperlukan oleh PIDM: a. penyata deposit bagi akaun amanah yang di pegang sebagai amanah oleh Pemegang Amanah; b. nama, alamat dan nombor kad pengenalan atau nombor passport atau sebarang pengenalan lain pemegang amanah yang boleh diterima oleh KFH Malaysia; c. butiran benefisiari; dan d. sebarang maklumat lain yang diperlukan oleh PIDM.
24. Pendedahan	24.1. Selain daripada pendedahan yang diperuntukan di bawah Jadual 11 Akta Perkhidmatan Kewangan Islam 2013, Pelanggan dengan ini memberi hak dan membenarkan KFH Malaysia, pegawai dan kakitangannya untuk mendedahkan sebarang maklumat mengenai Akaun, Terma dan Syarat ini, akaun-akaun semasa Pelanggan dan akan datang dan sebarang perkara lain yang berkaitan dengan Pelanggan dan operasinya kepada: a. Unit Kredit Pusat (termasuk untuk tujuan penyimpanan di dalam Sistem Maklumat Rujukan Kredit Pusat (“CCRIS”) di mana maklumatnya tersedia untuk semua institusi kewangan yang mengambil bahagian), Sistem Maklumat Cek Tak Laku (DCHEQS), Bank Negara Malaysia, Syarikat Jaminan Pembiayaan Perniagaan Malaysia (jika berkenaan) dan mana-mana agensi kerajaan atau mana-mana pihak pengawalseliaan lain yang mempunyai bidang kuasa ke atas KFH Malaysia dan / atau anak syarikat KFH Malaysia;

	<ul style="list-style-type: none"> b. Pihak cagaran atau mana-mana pihak yang bercadang untuk menyediakan cagaran berkaitan dengan Akaun; c. Sebarang syarikat semasa atau akan datang yang mungkin menjadi anak syarikat dan atau syarikat induk dan / atau ahli dan/atau berkait (sebagaimana ditakrifkan di bawah Akta Syarikat (2016) dan/atau bersekutu dengan KFH Malaysia dan / atau syarikat induknya (sebagaimana ditakrifkan di bawah Seksyen 2(1) Akta Perkhidmatan Kewangan Islam (2013); d. Mana-mana cawangan KFH Malaysia, pejabat wakil, ahli gabungan (semasa dan akan datang) dan ibu pejabat KFH Malaysia; e. Mana-mana orang yang menyediakan perkhidmatan kepada KFH Malaysia dan / atau syarikat induknya (termasuk tanpa had juruaudit, penasihat undang-undang dan penasihat professional KFH Malaysia dan / atau syarikat induknya; f. Mana-mana orang dan setakat mana maklumat diperlukan untuk didedahkan di bawah kehendak undang-undang atau peraturan atau sepina atau perkara-perkara yang berkaitan selaras dengan mana-mana peruntukan undang-undang Malaysia yang terpakai, garis panduan atau arahan atau mahkamah perundangan mana-mana bidang kuasa di dalam atau di luar Malaysia; g. Mana-mana penyedia perkhidmatan (termasuk agensi kutipan hutang dan sistem pesanan ringkas); h. Sekiranya Pelanggan memberi arahan kepada KFH Malaysia bagi tujuan deposit atau pindahan dana melalui rentas sempadan, Pelanggan bersetuju memberi kebenaran/kuasa untuk pihak KFH Malaysia mendedahkan, mengguna pakai dan mendapatkan mana-mana maklumat berkaitan transaksi rentas sempadan kepada pihak berkuasa di bawah undang-undang bertulis di Malaysia atau luar Malaysia; dan i. Mana-mana orang atau pihak berdasarkan budi bicara KFH Malaysia apabila diperlukan atau sesuai. <p>24.2. Pelanggan dengan ini bersetuju dengan pendedahan mengenai maklumat yang dimiliki oleh KFH Malaysia dan maklumat yang akan diterima pada masa akan datang, dan bahawa tiada persetujuan lanjut daripada Pelanggan diperlukan untuk tujuan seksyen ini dan Pelanggan dengan ini mengesahkan bahawa KFH Malaysia tidak akan bertanggungjawab dalam apa-apa keadaan dalam mendedahkan atau memberikan maklumat yang dirujuk di sini dengan syarat berkenaan dengan dokumen atau rekod atau maklumat yang diklasifikasikan sebagai sulit dan orang yang menerima maklumat tersebut daripada KFH Malaysia akan</p>
--	--

	<p>dikehendaki berjanji untuk menjaga kerahsiaan dokumen atau rekod atau maklumat yang diterima.</p> <p>24.3. Sekiranya Pelanggan memilih untuk menarik balik persetujuan yang diberikan sebelum ini, KFH Malaysia berhak untuk tidak menyediakan atau menghentikan penyediaan mana-mana produk, perkhidmatan, akaun dan/atau kemudahan yang berkaitan dengan maklumat tersebut.</p>
<p>30. Tanggungjawab dan Kewajipan Keselamatan oleh Pelanggan Obligasi Sekuriti Pelanggan</p>	<p>Klausa 30 dan sub-klausa di bawah ditambah</p> <p>30.1 Ia adalah tanggungjawab Pelanggan untuk menjaga Akaun mereka daripada penggunaan tanpa kebenaran dan penipuan. Oleh itu, Pelanggan bersetuju untuk bertanggungjawab bagi memastikan langkah-langkah penjagaan berikut telah diambil, termasuklah tetapi tidak terhad kepada:</p> <ol style="list-style-type: none"> a. tidak menyalahgunakan, menjalankan aktiviti haram, aktiviti penipuan salah melalui Akaun; b. tidak membenarkan Akaun untuk digunakan oleh pihak ketiga atau orang yang tidak dikenali; dan c. Periksa semua penyata Akaun dan memaklumkan dengan segera kepada KFH Malaysia jika terdapat sebarang kesilapan, tidak aturan, percanggahan atau transaksi yang tidak dibenarkan. <p>30.2 KFH Malaysia menyimpan hak untuk membatalkan sementara, menggantung atau menghalang akses Pelanggan kepada Akaun dan/atau penggunaan Akaun Pelanggan sehingga pengesahan lanjut sekiranya kami mengesan kebarangkalian akses tanpa kebenaran dan KFH Malaysia akan memaklumkan Pelanggan secepat yang boleh, tertakluk kepada kekangan undang-undang dan/atau peraturan. Setelah pengesahan telah berjaya, akses Pelanggan kepada Akaun akan dikembalikan semula.</p>
<p>31. Persetujuan untuk Memproses Maklumat Peribadi</p>	<p>Pindaan tajuk Klausa 31 ke "Akta Perlindungan Data Peribadi 2010 (PDPA)" dengan sub-klausa di bawah ditambah</p> <p>31.1. Jika "Data Peribadi" seperti yang ditakrifkan dalam Akta Perlindungan Data Peribadi 2010 (PDPA) diproses untuk tujuan atau sepanjang tempoh operasi Akaun, kedua-dua Pihak hendaklah:</p> <ol style="list-style-type: none"> a. memproses Data Peribadi setakat mana dan mengikut apa-apa cara yang diperlukan untuk operasi Akaun ini; b. memberi arahan kepada pekerja, pemegang saham, afiliasi, ejen dan/atau perundingnya bersetuju, mematuhi dan mematuhi kehendak PDPA dan memastikan kebolehpercayaan mana-mana kakitangan yang mempunyai akses kepada Data Peribadi;

	<p>c. mengambil langkah-langkah teknikal dan organisasi yang sesuai untuk melindungi Data Peribadi daripada sebarang kehilangan, penyalahgunaan, pengubahsuaian, kebenaran atau akses atau pendedahan, perubahan atau pemusnahan yang tidak disengajakan termasuk memastikan tahap keselamatan yang sesuai dengan jenis Data Peribadi tersebut;</p> <p>d. segera memberitahu kedua-dua Pihak secara bertulis apabila ia menyedari atau semunasabahnya menyedari apa-apa pelanggaran kewajipannya di bawah Terma dan Syarat yang mengakibatkan pendedahan Data Peribadi yang sebenarnya atau semunasabahnya disyaki tanpa kebenaran sama ada sebahagian daripada dirinya atau pegawai, pekerja, ejen atau subkontraktornya dan langkah-langkah yang diambil untuk mengurus dan memperbaiki pelanggaran itu; dan</p> <p>31.2. Walau apa pun yang terkandung di sini, kedua-dua Pihak hendaklah pada setiap masa mematuhi peruntukan PDPA. Pelanggan dengan ini menanggung rugi sepenuhnya dan hendaklah memastikan KFH Malaysia tidak menanggung rugi daripada dan terhadap semua kos, perbelanjaan, tindakan, ganti rugi dan tuntutan apa pun yang disebabkan oleh atau berkaitan dengan ketidakpatuhan oleh KFH Malaysia terhadap peruntukan PDPA.</p> <p>31.3. Pelanggan dengan ini bersetuju dan memberi kebenaran dengan pegangan, pengumpulan dan penggunaan semua data peribadi yang diberikan kepada KFH Malaysia oleh Pelanggan atau diperoleh oleh KFH Malaysia dari domain awam, serta data peribadi yang diperoleh daripada penyediaan perkhidmatan kepada Pelanggan berkaitan dengan Akaun dengan KFH Malaysia selaras dengan Dasar Privasi di bawah Akta Perlindungan Data Peribadi 2010 oleh KFH Malaysia yang mungkin dipinda dari semasa ke semasa.</p>
<p>32. Aku Janji Antirasuah, Antipenyelewengan dan Pemberian Maklumat</p>	<p>Klausa 32 dan sub-klausa di bawah ditambah</p> <p>32.1. Pelanggan dengan ini mengakui bahawa KFH Malaysia mengamalkan pendirian toleransi sifar terhadap rasuah dan penyelewengan selaras dengan Dasar Antirasuah dan Antipenyelewengan (ABC) KFH Malaysia.</p> <p>32.2. Pelanggan dan KFH Malaysia dengan ini mengisytiharkan bahawa mereka menyedari amalan di mana individu dan syarikat boleh memanfaatkan kedudukan atau jawatan yang mereka miliki atau maklumat yang mereka miliki untuk tujuan mendapatkan sendiri apa-apa suapan, ganjaran, faedah atau kelebihan, rebat, bayaran, mempengaruhi pembayaran, sogokan yang menyalahi undang-undang atau pembayaran lain yang menyalahi undang-undang, Pelanggan menyedari bahawa amalan tersebut melanggar dasar</p>

	<p>KFH Malaysia termasuk etika perolehannya, dan Akta Suruhanjaya Pencegahan Rasuah Malaysia (Pindaan) 2018 atau mana-mana peraturan yang melaksanakan mana-mana undang-undang antirasuah atau undang-undang lain yang serupa di Malaysia dan dengan ini menjamin dan berakujanji untuk tidak menggunakan maklumat atau bantuan yang ditawarkan oleh individu atau syarikat tersebut atau membenarkan kewujudan atau penerusan amalan sedemikian untuk tujuan operasi Akaun.</p> <p>32.3. Pelanggan memulakan dan mengekalkan, dan akan terus mengekalkan, dasar dan prosedur yang dirancang dengan munasabah untuk mempromosikan dan mencapai pematuhan dengan klausa ini.</p> <p>32.4. Pelanggan apabila dimaklumkan tentang apa-apa pelanggaran klausa ini, yang telah berlaku atau mungkin telah berlaku, hendaklah segera memberitahu KFH Malaysia secara bertulis mengenai pelanggaran tersebut.</p> <p>32.5. Pelanggan dengan ini mengakui dan berakujanji bahawa:</p> <ol style="list-style-type: none">a. Pelanggan telah membaca dan memahami Penyata ABC KFH Malaysia yang didapati dalam laman web KFH Malaysia;b. Pelanggan hendaklah mendorong pengarah, pegawai, kakitangan dan wakil atau ejennya yang diberi kuasa mematuhi undang-undang antirasuah atau undang-undang di Malaysia yang serupa;c. Jika Pelanggan mengetahui sebarang pelanggaran peraturan yang samada telah berlaku atau mungkin berlaku, Pelanggan hendaklah memberikan makluman bertulis kepada KFH Malaysia; dand. Pelanggan akan memaklumkan kepada KFH Malaysia tentang sebarang ketidakpatuhan atau percubaan ketidakpatuhan terhadap undang-undang antirasuah oleh mana-mana kakitangan atau orang yang berkaitan dengan KFH Malaysia dengan melaporkan perkara tersebut melalui whistleblow@kfh.com.my di laman web KFH Malaysia.
--	---

Terima kasih.